

राणाजी थारो देशड़लो रंग रूड़ो,

दोहा केशव थारे काज,  
मैं भगवा वस्त्र धारिया,  
माला लिनी हाथ मैं,  
रटती फिरू रे जेठवा ।  
जग में जोड़ी दोय,  
के चकवो के सारसी,  
तीजी मिली ना कोई,  
जो जो हारि जेठवा ।  
मारी अंगीठी में आग,  
बैरी लौ लगाय गयो,  
कुल में गिने गवार,  
जो जो हारी जेठवा ॥

नहीं भावे थारो देशड़लो रंग रूड़ो,  
राणाजी थारो देशड़लो रंग रूड़ो,  
थारा देशा मे राणा साधु नही है,  
लोग बसे है कूडो,  
नहीं भावे थारो देशड़लो रंग रूड़ो ॥

काजल टिकी राणा छोड़ दिया मैं,  
छोड़ियो हाथा रो चुडो,  
नहीं भावे थारो देशड़लो रंग रूड़ो ॥

हार सुंगार राणा छोड़ दिया मैं,  
छोड़ियो माथा रो जुडो,  
नहीं भावे थारो देशड़लो रंग रूड़ो ॥

बाई मीरा केवे राणा था कई जानो,  
वर पायो मैं पुरो,  
नहीं भावे थारो देशड़लो रंग रूड़ो ॥

नहीं भावे थारो देशड़लो रंग रूड़ो,  
राणाजी थारो देशड़लो रंगरूड़ो,  
थारा देशा मे राणा साधु नही है,  
लोग बसे है कूडो,  
नहीं भावे थारो देशड़लो रंग रूड़ो ॥

गायक एवं प्रेषक  
श्यामनिवास जी  
9024989481

Source: <https://www.bharattemples.com/rana-ji-tharo-deshadlo-rang-rudo/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>